

# مدارس

جادی الاخره ۲۶

مابیس ۲۰

## اعتقاد لری

بازار ایرتسی کوناری نشر اولنور اسبوعی اسلام جریده سیدر .

### دفع ظنون

قرن تأسیساتدن عصر تنظیماته قدر ناظم امور لغزلی عهدۀ علم و عرفانده طوتن مدارس علمیه مزى او قدیم موقع معالسنه ، اواسکی مشرق مجالسنه اصعاد ایتک، بتون ملت اسلامیة نك مفروض الایضا بروطفۀ دینه و حیاتیة سی در . جسم ملت و دولته - باران سما قدر - فیض علم و عرفان ، افاضه ایتش و ایتمکده بولنان مدارس اسلامیة نك حضور فیض نشورنده زانوزن تعظیم ، سرفروی تجیل اولماز ، نعمت شناسلق شعار نندن ایکن مثلی کورلماش بر نانکورلنک زبونی اوله رق اومنابع فیوضک ، اومزارع علومک خاطر شاطرنی رنجیده ایدیور ، صدر صافی جریحه دار قیلوروز . کویا که عصر لرحه ملت و دولته نفخ حیات ایدن اودکیش ؛ اسلامیتی تعمیم و تمثیل ایدن اودکیش ، افکار اسلامیة نك مرکز اجتماعی اودکیش ، شرق و غرب کتبخانه لری آتار مخدۀ ایله طولیدیران اودکیش ، فقهانی ، فضایی ، علمانی ، وزرانی ، وکلانی ، حتی سلاطین اسلامیة نی بتشدیرن دارالفنون ، دارالعلوم اودکیش . مهرور زمان ، عبور ایام - اوفضائی ، او

مکاری ، اونوتدیرمش ، حافظه لردن ، خاطره لردن سيلمش ، چیقارمش . نه قدر طالعسنه ، نه درجه اقبالسنه ایتش که تاریخ لری بیا به قسماً نسیاننه قسماً ده عصیاننه اوغرامش . شمدی ده مجرد مؤاخذه لره ، قوری مهاجمه لره اوغراپور ، معروض قالیور . کیمسه دیمبور که بو ، دوشمش سه قالد بر دم ، اولمش سه دیر یلتم ، بایلمش سه یقیدیرم کوزنی آجان یالکز نقضاتی کوریور ، اغزنی آجان یالکز بحرانی سولیور . یارب بونه حالت ؟ بونه حکمت ؟ ای اسلام متفکر لری ، ای اصلاح مقتدر لری یتشیر آرتق اخفاء یتشیر آرتق ازوا . شومدارسه خدمت ایدیکز ، شو دوشکنه همت ایدیکز . دین اسلام سزدن اصلاح بکله یور ، عالم اسلام سزدن اصلاح ایسته یور . اللهم رضای مدارسک اصلاح خنده ، غضبی اندر اسنده در . پیغمبرک شفاعتی مدارسک احیاسنده اعراضی احساننده در . هرکوز کوریور ، هر قولاق ایشیدییور که اصلاح مدارس حقنده - سیل بهار کی - برجریان وار . بونک اوکنه کچمک ایسته مک ، بحرانی دیکشدر مک دیله مک جتدر . جنایتدر ، حسنزلکدر ، ینسنزلکدر .

## مدرسه — مکتب

بر دولتک، بر ملتک ماهیتی، خیر موجودیتی  
مایه فیوضات علمیه ایله ترصین و تحکیم ایدلمدکجه  
محکوم انحلال و اندر اسدر .

سلاح عرفان ایله مجهز اولمیان هر هیئت  
اجتماعیه مبارزم حیات ساحه سنده تأمین ظفر  
و موجودیت ایله مز. بوتون کائناتی اداره و تنظیم  
ایلیان قدرت، قدرت علمیه در. او بر قوت  
فائده در که جهانده هیچ بر قوت اکا قارشی کله مز.  
قوای سائر آنک زبونیدر. بر مانی یأس  
و قسور دن تخلیص ایدن، بر قوم ایچون امید  
استقبال کشف ایدن، بر دولتی اعتلایه سوق  
ایلیان هب آنوار علوم و فنون دگیلدر ؟ .

علوم و معارفک دارالتحصیللری (مدرسه  
— مکتب) ناملرنده کی مؤسسات علویه در. بوا یکی  
مؤسسه خیریه، بر ملتک باعث سعادت، اسباب  
سطوت و مکتبیدر .

ملت عثمانیه نک اوته دنبری ایکی منبع درایت  
و عرفانی وارددر. مدرسه و مکتب .

شجره دولت عثمانیه بوا یکی منبع تفیضدن نبعان  
ایلیان زلال عرفان سایه سنده حیات تازه اکتساب  
ایده بیلور .

بری ملت اسلامیه نک غذای معنویستی  
احضار، دیگر کی احتیاجات دینویه سنی تأمین غایه سینه  
خادمدر. هرا یکی مؤسسه نک منسوبیتی ایچون  
مسجل بر امل، علوی بر غایه وار که اوده  
سلامت دین و سعادت وطندر. سوخته، شا کرد،  
طالبه هب الفضاظ مترادفه دندر. هپسی طالب  
نلر دیمکدر، بر مقصدک خادمیدر لر. منشأ ایله

هر حالده بومدارس اصلاح اولنه جق، احیا ایدیه جک  
فقط بز، ایسته یورز که جاهل اصلاح، خارج  
مسلك، کیمسلر ایشه قارشیاسین، عالم احیا،  
واقف احتیاج، رجالز برکنارده آل اوغشدر ماسین  
اصلاح مدارسک اولی [احلی من العسل]،  
آخری [امر من البصل] اولماسین. اولیه  
طوبیور، اولیه ایشیدیورز که درسه معاملر،  
اصلاح مدارسه مانع اولور ظن ایدیلورمش.  
بزم بیلدیکمزه کوره اصلاح مدارسه مانع اوله جق  
بر درسهام یا یوقدر و یا خود یوق حکمنده در.  
شاید ظمنزک خلافت اوله رق اولیه بر درسهام،  
بویه مدرس و ارسه امام افندی هان باشی اوچنه  
کچرک وظیفه تلقینیه سنی اجرا ایتلی در. چونکه  
اولیه بر درسهام، بویه بر مدرس جسم موجود  
اولسه بیه روحاً معدومدر، قالباً حی اولسه  
بیه قالباً مدفوندر .

بی شعور بر قوش یوده سنی معمور کورمک  
ایسترن، بی غرور بر قارنجه یوردنی مسعود  
ایتمک چالشیرکن بر درسهام نسل اولورده منبع  
فیضی معمور کورمک ایسته مز، بر مدرس  
نسل اولورده مسلك محزونی مسرور ایتک  
دیله مز، حجره خیاله صیغز، گوشه دماغه کیرر  
برشیمی در !! .

حقیقت حال، بویه ایکن ینه بودر لواسناد  
بوچشید افترا کرسی ایکنارده نسل بر بولیور  
و کیمدن اثقات کوریور. عقل ایردیره میورز.  
نقل بوله میورز. ایدلم مدرسی اصلاح ایدلمک  
بنای ظنونک تملی یقیاسین. شجره شکوک  
کوک کوریسین .

مدرسه